

اک بالغ طفیلی نوں اپنی پناہ وچ مدد وچ شامل کرن دی عرضی دینا – دیکھن والیاں چیزاں

اکتوبر 2010

Punjabi

جے تسیں اس ویلے داخلہ وزارت (یو کے بارڈر ایجنسی) ولوں پناہ وچ مدد (جیہنوں پہلاں این اے ایس ایس کہیا جاندا سی) وصول کر رہے ہو اتے تہاڈا خاوند، تہاڈی بیوی یاں ساتھی تہاڈے نال سکاٹ لینڈ وچ آ رہیا ہے، ایہہ ہو سکتا ہے پئی تسیں اپنے آپ نوں ملن والی امداد وچ اوہناں نوں اک بالغ طفیلی دے طور تے شامل کر لوو۔

پر، اپنی پناہ وچ ملن والی مدد وچ اک بالغ طفیلی نوں شامل کرن لئی، داخلہ وزارت نوں لوڑ ہے پئی تسیں کجھ کاغذ مہیا کرو۔ اوہناں کاغذاں توں بغیر جمع کروائیاں گئیاں عرضیاں دے کامیابی تے شک ہے۔

جدوں تسیں بیٹھاں الیکٹی گنی جانکاری اکٹھی کر لئی ہے سکاٹش پناہگیر کونسل تے ساڈے دفتر وچ آو اتے اسیں تہاڈے نال ملاقات دا ویلا متہ لوں گے۔

دھیان رکھو پئی اک بالغ طفیلی نوں اپنی مدد وچ شامل کرن دا ایہہ مطلب نہیں ہے پئی اوہ پناہ لین دے تہاڈے دعوے وچ شامل ہو گئے ہین۔ اسیں صلاح دیندے ہاں پئی تسیں ایس بارے ہمیشہ اپنے قانونی نمائندے نال وچار وٹاندہ کرو، کیوں جے تہاڈے خاندانی حالات وچ بدلیاں تہاڈے امیگریشن دے مقدمے تے اثر کر سکتیاں ہین۔

دیکھن والی کاغذ دی لسٹ

بیٹھاں دسی کاغذاں دی لسٹ تہاڈی عرضی لئی لوڑیندے کاغذ اکٹھے کرن وچ تہاڈی مدد کرے گی۔ جدوں تسیں ساڈے دفتر پرت کے آؤ ہر درجے وچوں جنے ودھ توں ودھ ہو سکن کاغذ لے کے آؤ تاں جے تہاڈی عرضی منظور ہون دی آس ودھ جاوے۔

پناہ

ایہہ تصدیق پئی تسیں اتے تہاڈا ساتھی اوسے پناہ دے دعوے دی لسٹ وچ ہو، جیویں کہ:

- تہاڈے قانونی نمائندے ولوں داخلہ وزارت نوں گھلی گئی کسے وی نویں جانکاری دی نقل جیہڑی دس پاؤندی ہووے پئی تسیں اتے تہاڈا ساتھی اک دوجے دے پناہ دے دعوے تے منحصر ہو
- ورثے دے سوالنامے دی اک نقل جیہڑی طفیلیاں دی وضاحت کردی ہووے اتے تہاڈے ساک دی تصدیق کردی ہووے
- تہاڈے یاں تہاڈے ساتھی دے چھانٹی/ پناہ دے انٹرویو دی نقل جیہدے وچ اک دوجے بارے دسیا گیا ہووے

- جے تہاڈا ویاہ ہویا ہے، تہاڈے نکاح نامے دی اک نقل
- جے تہاڈا ویاہ نہیں ہویا، ایس گل دا کاغذی ثبوت پئی تسیں اتے تہاڈا ساتھی پچھلے تن سالان وچوں دو سال اکٹھے رہندے رہے ہو، جیویں کہ:

- تہاڈے دوہاں دے نام تے یوٹیلیٹی بل
- داخلہ وزارت (یو کے بی اے) ولوں تہانوں اتے تہاڈے ساتھی نوں مخاطب چٹھیاں
- تہاڈے قانونی نمائندے ولوں چٹھیاں
- ڈاکٹری پیشہ وراں ولوں چٹھیاں

- اپنے بچے دے پیدائشی سرٹیفیکیٹ دی نقل جیہڑی ایہہ تصدیق کردی ہووے پئی تسیں اتے تہاڈا ساتھی پچھلے تن سالان وچوں دو سال لگاتار ساک وچ رہے ہو

ملازمت

جے تہاڈا ساتھی یو کے حکومت دی اجازت دے نال قانونی طور تے کم کردا رہیا ہے، تہاڈے لئی ایہہ مہیا کرنا لازمی ہے:

- اک لکھی ہوئی لسٹ پرانے مالکاں دی، تاریخ وار، جیہڑی سب توں نویں مالک توں شروع ہوندى ہووے
- مالک دی تفصیل سنے، پچھلیاں تن مہینہ وار یاں 12 ہفتہ وار تنخواہ دیاں رسیداں
- اوہناں دا پی 45 یاں ہور کاغذی ثبوت اوہناں دے مالک ولوں جو ایہہ تصدیق کردا ہووے پئی ملازمت مکا دتی گئی ہے
- قومی بیمہ نمبر
- اوہ تاریخاں جیہناں وچ اوہناں نے نوکری کیتی
- کم دی قسم جیہڑا اوہ کردے رہے سن

جے تہاڈا ساتھی یو کے حکومت دی اجازت توں بغیر کم کردا رہیا ہے، تہاڈے لئی ایہہ مہیا کرنا لازمی ہے:

- پرانے مالکاں دی اک لکھی ہوئی لسٹ؛ تاریخ وار
- تاریخاں جیہناں وچ اوہناں نے کم کیتا
- کم دی قسم جیہڑا اوہ کردے رہے ہین

جے تہاڈے ساتھی نے کدے کم نہیں کیتا، تہاڈے لئی ایہہ مہیا کرنا لازمی ہے:

- اک وضاحت پئی اوہ یو کے وچ اپنے آپ نوں کیویں سانبھدے رہے بین
- کسے وی یاراں بیلیاں ولوں چٹھیاں جیہڑے اوہناں نوں سانبھدے رہے بین، مدد دی قسم اتے چر دی تفصیل دے نا، اتے ایہہ وضاحت کردیا پئی اوہ ہور کیوں نہیں سانبہ سكدے

پرانے سرناویں

- یو کے وچ سارے پرانے سرناویاں دی لسٹ جتھے تہاڈا ساتھی رہیا ہے، تاریخ وار، یو کے وچ سب توں سجرے سرناویں توں شروع کردیاں
- اک لکھی ہوئی وضاحت اوہدے ولوں جیہڑا جائیداد دا مالک سی اتے ایہہ پئی کیہ تسیں اوٹھے رہن دی کوئی ادائیگی کیتی

بینک کھاتہ

پوریاں، سجریاں بینک سٹیٹمنٹاں پچھلے چہ مہینیاں دیاں سارے بینک کھاتیاں دیاں جیہڑے تہاڈے یاں تہاڈے ساتھی دے بین

- کسے وی وڈے لین دین دی لکھی ہوئی وضاحت جیویں کہ کھاتیاں وچکار پیسے دا اؤنا جانا
- کسے ولوں وی چٹھیاں جیہنے تہاڈے کھاتے وچ رقم جمع کروائی ہووے ایہہ تصدیق کردیاں پئی اوہناں نے ایہہ پیسے جمع کروائے سن
- کسے ولوں وی چٹھیاں جیہدے لئی تسیں پیسے کڈھوائے ایہہ تصدیق کردیاں پئی ایہہ پیسے تہاڈے ولوں سی
- یو کے وچ تہاڈے بینک ولوں اک چٹھی ایہہ تصدیق کردیاں پئی کوئی وی پچھلے کھاتے بند ہو گئے بین

اہم: چٹھیاں جیہڑیاں تسیں مہیا کردے ہو انگریزی وچ ہونیاں لازمی ہیں۔ پر، جے تہاڈے لئی چٹھی لکھن والا بندہ انگریزی نہیں لکھ سگدا، ساڈی صلاح ہے پئی تسیں اوہناں نوں ساڈے نال ملاقات وچ لے آؤ تاں جے اسیں تہاڈے لئی چٹھی لکھن وچ اوہناں دی مدد کر سکیئے۔

سرناویاں اتے کم دیاں تہاواں دیاں لسٹاں جیہڑیاں چٹھی وچ دسیاں گئیاں ہیں اوہ تہاڈی اپنی زبان وچ وی لکھیاں جا سگدیاں ہیں جے تسیں انگریزی لکھن جوگے نہیں ہو۔

جدوں تسیں ساڈے دفتر آؤ تہاڈے لئی لازمی ہے پئی تسیں اُپر دسے ہوئے سارے ثبوت نال لیاؤ جیہناں دا تہاڈے نال تعلق ہے دوجی صورت وچ اسیں تہاڈی عرضی وچ تہاڈی مدد کرن جوگے نہیں ہواں گے۔